

Na osnovu člana 29. Zakona o privremenom korišćenju javnih površina na području Kantona Sarajevo ("Službene novine Kantona Sarajevo", broj 20/04), i odredaba Zakona o komunalnoj djelatnosti ("Službene novine Kantona Sarajevo", broj 31/04), te člana 8. stav 3 Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06) i člana 25. Statuta Općine Stari Grad Sarajevo-Prečišćeni tekst ("Službene novine Kantona Sarajevo", broj 31/08), Općinsko vijeće Stari Grad Sarajevo, na sjednici održanoj 27. oktobra 2011. godine, donijelo je

ODLUKU

O IZMJENI I DOPUNI ODLUKE O PRIVREMENOM KORIŠĆENJU JAVNIH POVRŠINA

Član 1.

U Odluci o privremenom korišćenju javnih površina-Prečišćeni tekst ("Službene novine Kantona Sarajevo", broj 20/10, 26/10 i 10/11) iza glave IV dodaje se nova glava V pod nazivom "NADZOR" i unutar navedene glave novi član 48. koji glasi:

Poslove inspekcijskog nadzora nad provođenjem ove Odluke vrši općinska inspekcija i to kako slijedi:

Poslove u oblasti urbanizma opisane u članu 25. Zakona općinska urbanističko-građevinska inspekcija.

Poslove u oblasti komunalnih djelatnosti opisane u članu 25. Zakona općinski komunalni inspektor.

U provođenju nadzora općinski komunalni inspektor ovlašten je:

- Narediti fizičkim i pravnim osobama radnje, ako pregledom utvrdi da se one ne obavljaju ili se obavljaju suprotno odredbama ove Odluke i Zakona;
- Naložiti uklanjanje privremenog objekta/sadržaja postavljenog bez odobrenja nadležne službe;
- Predložiti pokretanje prekršajnog postupka;
- Pregledati da li su ispunjeni uvjeti u skladu sa izdatim rješenjima;
- Poduzimati i druge radnje i mjere za koje je ovlašten u skladu sa Zakonom o privremenom korišćenju javnih površina na području Kantona Sarajevo, Zakonom o komunalnim djelatnostima Kantona Sarajevo i ovom Odlukom.

Član 2.

Dosadašnja glava V postaje glava VI pod nazivom "PRIJELAZNE I ZAVRŠNE ODREDBE", a unutar nje dosadašnji član 48. postaje član 49.

Član 3.

Ova Odluka stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 02-49-504/11 Oktobra 2011. godine Sarajevo	Predsjedavajući Općinskog vijeća Stari Grad Sarajevo Prof. dr. Rizah Avdić , s. r.
---	--

Na osnovu člana 23. i člana 25. tačka 2. Statuta Općine Stari Grad Sarajevo - Prečišćeni tekst ("Službene novine Kantona Sarajevo", br. 31/08), Općinsko vijeće Stari Grad Sarajevo, na 33. sjednici održanoj 27. oktobra 2011. godine, donijelo je

ODLUKU

O STAVLJANJU VAN SNAGE ODLUKE O USLOVIMA ZADRŽAVANJA BESPRAVNO IZGRAĐENIH OBJEKATA NA PODRUČJU OPĆINE STARI GRAD SARAJEVO

I.

Stavlja se van snage Odluka o uslovima zadržavanja bespravno izgrađenih objekata na području općine Stari Grad

Sarajevo ("Službene novine Grada Sarajeva", broj 23/84) i ("Službene novine Kantona Sarajevo", broj 14/98).

II.

Ova Odluka stupa na snagu danom donošenja i biće objavljena u "Službenim novinama Kantona Sarajevo".

Broj 02-49-503/11 27. oktobra 2011. godine Sarajevo	Predsjedavajući Općinskog vijeća Stari Grad Sarajevo Prof. dr. Rizah Avdić , s. r.
---	--

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08), te člana 19. stav 1. alineja 12, člana 32. i 36. Odluke o dodjeli u zakup poslovnih zgrada i poslovnih prostora Općine Stari Grad Sarajevo-Prečišćeni tekst ("Službene novine Kantona Sarajevo", broj 3/11), Općinsko vijeće Stari Grad Sarajevo, na sjednici održanoj 27. oktobra 2011. godine, donijelo je

ODLUKU

O DODJELI U ZAKUP POSLOVNOG PROSTORA U ULICI ZELENIH BERETKI BROJ 4 (OPĆINA STARI GRAD-OBJEKAT C)

1. Poslovni prostor u ulici Zelenih beretki broj 4 - Općina Stari Grad-objekat C (površine 10,29 m², extra poslovna zona), dodjeljuje se u zakup Bosna Sunce Osiguranju d.d. Sarajevo, uz obavezu upošljavanja Žiko Mahire i Bandić Muamera, te nastavka njihovog rada u predmetnom prostoru.
2. Korisnik poslovnog prostora iz tačke 1. ove Odluke je dužan plaćati mjesečnu zakupninu u iznosu od 20,00 KM po m².
3. Općinski načelnik će, sa korisnikom iz tačke 1. ove Odluke, zaključiti ugovor o zakupu poslovnog prostora. Ugovor se zaključuje na period od godinu dana sa mogućnošću produženja ukoliko zakupac bude redovno izmirivao svoje obaveze.
4. Zakupac je dužan platiti ili dati garanciju o plaćanju zakupnine najmanje za godinu dana.
5. Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 02-49-500/11 Oktobra 2011. godine Sarajevo	Predsjedavajući Općinskog vijeća Stari Grad Sarajevo Prof. dr. Rizah Avdić , s. r.
---	--

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08), te člana 4. Odluke o upotrebi grba i imena Općine Stari Grad Sarajevo ("Službene novine Kantona Sarajevo", broj 37/05), Općinsko vijeće Stari Grad Sarajevo, na sjednici održanoj 27. oktobra 2011. godine, donijelo je

ODLUKU

O IZMJENI ODLUKE O DAVANJU ODOBRENJA O UPOTREBI IMENA OPĆINE STARI GRAD SARAJEVO U NAZIVU UDRUŽENJA

1. U Odluci o davanju odobrenja o upotrebi imena Općine Stari Grad Sarajevo u nazivu Udruženja, broj: 02-49-448/11 od 29.09.2011. godine, mijenja se tačka 1. Odluke, briše se broj "15", tako da tačka 1. sada glasi:

" Odobrava se Udruženju boraca "115. brigada" da u naziv Udruženja unesu naziv "Stari Grad".

2. U tački 2., 3. i 4. Odluka ostaje neizmijenjena.

3. Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 02-49-499/11
Oktobra 2011. godine
Sarajevo

Predsjedavajući
Općinskog vijeća
Stari Grad Sarajevo
Prof. dr. **Rizah Avdić**, s. r.

Na osnovu člana 4. Zakona o prometu nepokretnosti ("Službeni list SRBiH", broj 38/78, 4/89, 29/90 i 22/91) i ("Službeni list RBiH", broj 21/92 i 10/94), i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08) Općinsko vijeće Stari Grad, na sjednici održanoj 27. oktobra 2011. godine, a u predmetu utvrđivanja gubitka statusa javnog dobra u ulici Brdovita, donosi

ODLUKU

O GUBITKU STATUSA JAVNOG DOBRA U OPĆOJ UPOTREBI

Član 1.

Utvrđuje se da je izgubilo status javnog dobra u općoj upotrebi zemljište upisano u Iskaz I, a označeno kao k.č.72 u površini od 11 314 m² iz zk.ul. 363 k.o. Sarajevo-mahala LXX.

Član 2.

Zemljišno-knjižno odjeljenje Općinskog suda u Sarajevu će na zemljištu iz tačke 1. Odluke brisati status nekretnine upisane kao Iskaz I u površini od 11 314 m², te u "B" listu istog zk.ul. upisati državno vlasništvo, a kao nosioca prava raspolaganja upisati Općinu Stari Grad Sarajevo sa 1/1 dijela, dok ostali upisi ostaju neizmijenjeni.

Član 3.

Ova Odluka stupa na snagu narednog dana od dana objavljivanja na oglasnoj ploči Općine Stari Grad Sarajevo, a naknadno će biti objavljena u "Službenim novinama Kantona Sarajevo".

Broj 02-49-466/11
27. oktobra 2011. godine
Sarajevo

Predsjedavajući
Općinskog vijeća
Stari Grad Sarajevo
Prof. dr. **Rizah Avdić**, s. r.

Stavljeno na oglasnu ploču 28.10.2011. godine a skinuto 14. 11. 2011. godine.

Na osnovu člana 4. Zakona o prometu nepokretnosti ("Službeni list SRBiH", broj 38/78, 4/89, 29/90 i 22/91) i ("Službeni list RBiH", broj 21/92 i 10/94), i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08), Općinsko Vijeće Stari Grad, na sjednici održanoj dana 27. oktobra 2011. godine, a u predmetu izgradnje objekta Tekije, te radova vanjskog uređenja za potrebe iste na lokalitetu Šehidskog Spomen mezarja "Kovači" u ulici Jekovac bb u Sarajevu, a po zahtjevu Fonda Memorijala - Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida Sarajevo, donosi

ODLUKU

O GUBITKU STATUSA JAVNOG DOBRA U OPĆOJ UPOTREBI

Član 1.

Utvrđuje se da je izgubilo status javnog dobra u općoj upotrebi zemljište upisano u Iskaz -Javno dobro, a označeno kao k.č. 243 u površini 100 m² iz zk.ul.174 k.o. Sarajevo-mahala XCVII.

Član 2.

Zemljišno-knjižno odjeljenje Općinskog suda u Sarajevu će na zemljištu iz tačke 1. Odluke brisati status nekretnine upisano kao Iskaz - javno dobro, te predmetno zemljište uknjižiti kao državno vlasništvo, a kao nosioca prava raspolaganja upisati Općinu Stari Grad Sarajevo sa 1/1 dijela.

Član 3.

Ova Odluka stupa na snagu narednog dana od dana objavljivanja na oglasnoj ploči Općine Stari Grad Sarajevo, a naknadno će biti objavljena u "Službenim novinama Kantona Sarajevo".

Broj 02-49-465/11
27. oktobra 2011. godine
Sarajevo

Predsjedavajući
Općinskog vijeća
Stari Grad Sarajevo
Prof. dr. **Rizah Avdić**, s. r.

Stavljeno na oglasnu ploču 28.10.2011. godine a skinuto 14. 11. 2011. godine.

Na osnovu člana 4. Zakona o prometu nepokretnosti ("Službeni list SRBiH", broj 38/78, 4/89, 29/90 i 22/91) i ("Službeni list RBiH", broj 21/92 i 10/94), i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08), Općinsko Vijeće Stari Grad, na sjednici održanoj dana 27. oktobra 2011. godine, a u predmetu izgradnje objekta Tekije, te radova vanjskog uređenja za potrebe iste na lokalitetu Šehidskog Spomen mezarja "Kovači" u ulici Jekovac bb u Sarajevu, a po zahtjevu Fonda Memorijala - Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida Sarajevo, donosi

ODLUKU

O GUBITKU STATUSA JAVNOG DOBRA U OPĆOJ UPOTREBI

Član 1.

Utvrđuje se da je izgubilo status javnog dobra u općoj upotrebi zemljište upisano u Iskaz I, a označeno kao k.č. 329 nastala od k.č. 2 u površini 156 m² iz zk.ul. 174 k.o. Sarajevo-mahala XCVII.

Član 2.

Zemljišno-knjižno odjeljenje Općinskog suda u Sarajevu će na zemljištu iz tačke 1.Odluke brisati status nekretnine upisane kao ulica u površini od 156 m², te upisati kulturu gradilište, državno vlasništvo, a kao nosioca prava raspolaganja upisati Općine Stari Grad Sarajevo sa 1/1 dijela.

Član 3.

Ova Odluka stupa na snagu narednog dana od dana objavljivanja na oglasnoj ploči Općine Stari Grad Sarajevo, a naknadno će biti objavljena u "Službenim novinama Kantona Sarajevo".

Broj 02-49-464/11
27. oktobra 2011. godine
Sarajevo

Predsjedavajući
Općinskog vijeća
Stari Grad Sarajevo
Prof. dr. **Rizah Avdić**, s. r.

Stavljeno na oglasnu ploču 28.10. 2011. godine a skinuto 14. 11. 2011. godine.

Na osnovu člana 2.12 Izbornog zakona Bosne i Hercegovine ("Službeni glasnik BiH", broj 23/01, 7/02, 9/02, 20/02, 25/02, 4/04, 20/04, 25/05, 65/05, 77/05, 11/06, 24/06, 32/07, 33/08 i 37/07 i 32/10) i člana 9. stav 3. Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", br. 9/10 i 37/10) i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08), Općinsko vijeće Stari Grad Sarajevo, na sjednici održanoj 29. septembra 2011. godine, donijelo je